


საქართველოს კომუნიკაციების ეროვნული კომისიის
 № 400/9 გადაწყვეტილების საფუძველზე წარმოგიდგენთ
 შპს „ახტელის“ ქ. თბილისში სპილენძის სახაზო-საკაბელო
 წყვილების ფართოზოლოვან რესურსთან დაშვების
 შეთავაზების წინადადება
 (მოწვევა ოფერტაზე)

1. გადაწყვეტილების მე-8 პუნქტის ა.ა. ქვეპუნქტის თანახმად:

ახტელი

ასს-ის ინდექსი	მისამართი	წყვილების რ-ბა სრული სიმძლავრე	დატვირთული სატელეფონო სიგნალიზაც.	დატვირთული ფართოზოლოვანი რესურსით
70	მოსკოვის გამზ. №16	5100	4512	375
გატანილი	გუმათჰესის ქ. №12	2000	1149	0
გატანილი	ქინძმარაულის შეს. №1	2600	2208	33
75	ვაზისუბნის მე-4 კვ.1 კვ.	6400	5203	44
გატანილი	ფონიჭალა 3 კ. 14 ბ 3	1900	1272	0
გატანილი	კალანდაძის №10	2500	2395	247
76	შუამთის ქ. № 19	13800	12003	801
გატანილი	ორხევი, მუხადის 6/2	1800	1133	0
77	კახეთის შეს. № 2	9200	7758	640
გატანილი	ბ. ხმელნიცკის 42	1800	1376	55
გატანილი	მე-8 ლეგიონი	4500	3977	124
79	ვარკეთილის მე-4 მ/რ	11100	10646	701
სულ		62700	53632	3020

2. გადაწყვეტილების მე-8 პუნქტის ა.ბ. ქვეპუნქტის თანახმად:



- ა) სპილენძის სახაზო-საკაბელო წყვილთან სრულად დაშვების ტარიფია - 15.18 ლარი თვეში დღგ-ს ჩათვლით;
- ბ) დაშვების მსურველმა ოპერატორმა უნდა წარმოადგინოს დაახლოებითი მოთხოვნა თვეების მიხედვით, ექვს თვეზე გაწერილი და საბანკო გარანტია გადახდის უზრუნველყოფის მიზნით, თანახმად გ) ქვეპუნქტისა;
- გ) გადახდა განხორციელდება საანგარიშო თვის მომდევნო თვის 20 რიცხვამდე, წარმოადგენილი ანგარიშფაქტურის საფუძველზე.

3. გადაწყვეტილების მე-8 პუნქტის ა.გ. ქვეპუნქტის თანახმად:

მას შემდეგ რაც ოპერატორებს შორის გაფორმდება დაშვები შესახებ ხელშეკრულება, და ამ შეთავაზების მე-ნ პუნქტით დადგენილი წესით, შემოყვანილ იქნება შპს „ახტელის“ კროსში ოპერატორის კაბელი, რომელიც მიერთებულ იქნება ჩარჩოზე, შპს „ახალი ქსელები“ მიიღებს განცხადებას ოპერატორისაგან, რომელიც უნდა შეიცავდეს: ა) მსურველი აბონენტის ტელეფონის ნომერს; ბ) აბონენტის დემოგრაფიულ მონაცემებს; გ) განცხადებლის კაბელის მხარეს არსებული წყვილის ნომერს, რომელზეც უნდა დაჯდეს კროსირების მართული. თავისუფალი წყვილების არსებობის შემთხვევაში, შპს „ახალი ქსელები“ განცხადების რეგისტრაციიდან 4 (ოთხი) სამუშაო დღის ვადაში მოახდენს წყვილის პარამეტრების ტესტირებას და დადებითი დასკვნის შემთხვევაში განახორციელებს წყვილის კროსირებას (ჩართვას) მსურველი ოპერატორის საკაბელო წყვილზე.

4. გადაწყვეტილების მე-8 პუნქტის ა.დ. ქვეპუნქტის თანახმად:

ვინაიდან შპს „ახტელის“ აღნიშნული გადაწყვეტილების მიღებამდე არ იყო ცნობილი მნიშვნელოვანი საბაზრო ძალაუფლების მქონე ოპერატორად და არ ქონდა დაკისრებული სპეციფიკური ვალდებულება განცალკევებული აღრიცხვის შესახებ, მას არ განუხორციელებია მსგავსი სამუშაო რის გამოც ამ ეტაპზე აღნიშნული პუნქტით გათვალისწინებული მონაცემების გამოქვეყნება ვერ ხერხდება.

5. გადაწყვეტილების მე-8 პუნქტის ა.ე. ქვეპუნქტის თანახმად, დაშვების შესახებ ხელშეკრულება გაფორმებულ იქნება აქცეპტის მიღებიდან 20 სამუშაო დღის ვადაში.

6. გადაწყვეტილების მე-8 პუნქტის ა.ვ. ქვეპუნქტის თანახმად:

შპს „ახტელის“ სადგურების უმეტესობა განთავსებულია ს.ს. „გაერთიანებული ტელეკომისგან“ შეძენილ ან ნაქირავებ ფართებში, აღნიშნული ფართების დაკავება მოხდა 10 წლის წინ მაშინ, როდესაც გათვალისწინებული არ იყო თანალოკაციის ფართის გამოყოფის ვალდებულება, რის გამოც შპს „ახტელის“ მიერ, შეძენილ იქნა მხოლოდ ის აუცილებელი ფართები რაც საჭირო იყო და სადაც განთავსებულია: საკომუტაციო დარბაზი, კროსის, საგენერატორო, სააკუმლიატორო და საოპერატორო. სადაც ტექნიკური ნორმების გათვალისწინებით დაუშვებელია თანალოკაციის ფართის გამოყოფა. ამდენად შპს „ახტელს“ არ გააჩნია თავისუფალი თანალოკაციის ფართი. თუმცა რეკომენდაციის სახით მოგახსენებთ, რომ მსურველ ოპერატორს შეუძლია მიმართოს იმ შენობის მესაკუთრეს, სადაც

დღესაც განთავსებულია მათი კუთვნილი აპარატურა, და ითხოვოს მათთვის მისაღები ფორმით ფართის გადაცემა და შესაბამისი ხელშეკრულების გაფორმება.

რაც შეეხება კროსებში კაბელის შემოყვანას, ყოველ კონკრეტულ ობიექტზე მსურველმა ოპერატორმა უნდა მოგვმართოს წერილობითი განცხადებით, რომელიც განხილულ იქნება ათი (10) დღის ვადაში და დადებითი პასუხის შემთხვევაში, მას შემდეგ რაც მსურველი ოპერატორი გადმოგვცემს საჭირო კაბელს და კროსის შესაბამისი მარკის ჩარჩოს ათ (10) სამუშაო დღეში მოხდება აღნიშნული მოწყობილობის მიერთება შესაბამისი ანაზღაურებით:

- ა) ინსტალაციის საფასური 200 ლარი დღგ-ს ჩათვლით თითოეულ 100 წყვილიან ჩარჩოზე;
- ბ) ჩარჩოს განთავსების ყოველთვიური ქირა 100 ლარი დღგ-ს ჩათვლით თითოეულ 100 წყვილიან ჩარჩოზე.


7. გადაწყვეტილების მე-8 პუნქტის ა.ზ. ქვეპუნქტით გათვალისწინებულ პირობებს შპს „ახტელი“ ვერ დაადგენს იმ მიზეზით, რომ თანალოკაციის ფართი მას არ გააჩნია, ხოლო სხვის ფართში პირობების დადგენა მის კომპეტენციაში არ შედის.

8. გადაწყვეტილების მე-8 პუნქტის ა.თ. ქვეპუნქტის თანახმად, დამატებითი სიმძლავრეები (კროსში კაბელის შემოყვანა) განხორციელებულ იქნება (10) დღის ვადაში მას შემდეგ რაც მსურველი ოპერატორი ყოველ კონკრეტულ შემთხვევაში მოგვმართავს წერილობით , რომელიც განხილულ იქნება ათი (10) დღის ვადაში და რომელზეც გაცემულ იქნება დადებითი დასკვნა.

9. გადაწყვეტილების მე-8 პუნქტის ა.ი. ქვეპუნქტის თანახმად, ექსტრაოდრინალურ და ფორსმაჟორულ გარემოებებში მსურველი ოპერატორის მხრიდან გამოწვეული ზარალი ანაზღაურდება მის მიერ სრულად.

10. მოწვევის ოფერტა მოქმედებს 6 თვიანი ვადით.

შპს „ახტელის“
გენერალური დირექტორი



ა. იაშვილი